

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-1889/24
Sarajevo, 5.9.2024. godine

Z A P I S N I K
12. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 5.9.2024. godine

Sjednica je počela sa radom u 12 sati i 22 minute.

Sjednici je predsjedavao Tomislav Martinović, predsjedavajući Doma naroda Parlamenta Federacije BiH.

Predsjedavajući je pozdravio delegatkinje i delegate, predstavnika Vlade Federacije BiH, predstavnike akreditiranih medijskih kuća i ostale koji prate rad sjednice.

Izostanak sa sjednice najavili su Tanja Šantić, Mehmed Mahmić i Almir Babajić.

Prema evidenciji Stručne službe, sjednici prisustvuje 58 delegata, što čini većinu, pa Dom naroda može raditi i punovažno odlučivati.

Vlada Federacije BiH dostavila je Parlamentu Federacije BiH dopis da iz procedure povlači Prijedlog Zakona o izmjeni Zakona o unutašnjim poslovima Federacije BiH i Prijedlog Zakona o izmjeni Zakona o policijskim službenicima Federacije BiH.

Predsjedavajući je prije utvrđivanja dnevnog reda saopštio delegatima prijedlog Kolegija Doma naroda da se na današnjoj sjednici ne razmatraju delegatska pitanja i inicijative, ali da se mogu uputiti pisanim putem.

Na osnovu rezultata glasanja, predsjedavajući je konstatovao da je Dom naroda, sa 50 glasova za, uz četiri uzdržana glasa i uz jedan glas protiv, usvojio sljedeći:

D N E V N I R E D

1. Prijedlog Zakona o izmjenama i dopunama Zakona o prostornom planiranju i korištenju zemljišta na nivou Federacije BiH,
2. Prijedlog Zakona o zaštiti zraka,
3. Strategija razvoja sistema socijalne i dječje zaštite u Federaciji BiH (2024. – 2030. godina),
4. Prijedlog Odluke o prihvatanju zaduženja po Ugovoru o finansiranju između Bosne i Hercegovine i Evropske investicijske banke za realizaciju Projekta Vjetroelektrana Vlašić,

5. Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta Koridor Vc Mostar Sjever – Mostar Jug.

1. Prijedlog Zakona o izmjenama i dopunama Zakona o prostornom planiranju i korištenju zemljišta na nivou Federacije BiH

Tekst Prijedloga Zakona utvrdila je Vlada Federacije BiH.

Predstavnički dom obavijestio je Dom naroda da je na 13. sjednici, održanoj 24.7.2024. godine, usvojio Prijedlog Zakona o izmjenama i dopunama Zakona o prostornom planiranju i korištenju zemljišta na nivou Federacije BiH.

Prijedlog Zakona razmatrala su nadležna radna tijela.

Prijedlog Zakona obrazložio je Željko Nenadić, ministar Federalnog ministarstva prostornog uređenja.

Na osnovu rezultata glasanja, predsjedavajući je konstatovao da je Dom naroda, sa 50 glasova za, uz 10 uzdržanih glasova i bez glasova protiv, usvojio Prijedlog Zakona o izmjenama i dopunama Zakona o prostornom planiranju i korištenju zemljišta na nivou Federacije BiH.

2. Prijedlog Zakona o zaštiti zraka

Tekst Prijedloga Zakona utvrdila je Vlada Federacije BiH.

Predstavnički dom obavijestio je Dom naroda da je na 13. sjednici, održanoj 24.7.2024. godine, usvojio Prijedlog Zakona o zaštiti zraka sa 10 amandmana koje je Vlada Federacije BiH prihvatila pa su postali sastavni dio Prijedloga Zakona.

Prijedlog Zakona obrazložila je Nasiha Pozder, ministrica Federalnog ministarstva okoliša i turizma.

U raspravi niko nije učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 55 glasova za, uz tri uzdržana glasa i bez glasova protiv, usvojio Prijedlog Zakona o zaštiti zraka.

3. Strategija razvoja sistema socijalne i dječje zaštite u Federaciji BiH (2024. – 2030. godina)

Vlada Federacije BiH dostavila je Parlamentu Federacije BiH Strategiju razvoja sistema socijalne i dječje zaštite u Federaciji BiH (2024. – 2030. godina).

Strategiju razvoja sistema socijalne i dječje zaštite u Federaciji BiH (2024. – 2030. godina) obrazložio je Miroslav Jurešić, pomoćnik ministra Federalnog ministarstva rada i socijalne politike za oblast socijalne i dječje zaštite.

U raspravi je učestvovala Marina Mujkanović.

Na osnovu rezultata glasanja, predsjedavajući je konstatovao da je Dom naroda, sa 57 glasova za, uz dva uzdržana glasa i bez glasova protiv, usvojio Strategiju razvoja sistema socijalne i dječje zaštite u Federaciji BiH (2024. – 2030. godina).

4. Prijedlog Odluke o prihvatanju zaduženja po Ugovoru o finansiranju između Bosne i Hercegovine i Evropske investicijske banke za realizaciju Projekta Vjetroelektrana Vlašić

Vlada Federacije BiH utvrdila je Prijedlog Odluke o prihvatanju zaduženja po Ugovoru o finansiranju između BiH i Evropske investicijske banke za realizaciju Projekta Vjetroelektrana Vlašić.

Predstavnički dom obavijestio je Dom naroda da je na 13. sjednici, održanoj 24.7.2024. godine, usvojio Prijedlog Odluke o prihvatanju zaduženja po Ugovoru o finansiranju između Bosne i Hercegovine i Evropske investicijske banke za realizaciju Projekta Vjetroelektrana Vlašić.

Prijedlog Odluke obrazložio je Edin Šahinović, šef Odsjeka za izmirenje duga iz Federalnog ministarstva finansija.

U raspravi je učestvovao Anto Bilić.

Na osnovu rezultata glasanja, predsjedavajući je konstatovao da je Dom naroda Parlamenta Federacije BiH, sa 44 glasa za, uz 11 uzdržanih glasova i uz četiri glasa protiv, usvojio Prijedlog Odluke o prihvatanju zaduženja po Ugovoru o finansiranju između Bosne i Hercegovine i Evropske investicijske banke za realizaciju Projekta Vjetroelektrana Vlašić.

5. Prijedlog odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta Koridor Vc Mostar Sjever – Mostar Jug

Vlada Federacije BiH je dostavila Parlamentu Federacije BiH Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta Koridor Vc Mostar Sjever – Mostar Jug.

Predstavnički dom obavijestio je Dom naroda da je na 13. sjednici, održanoj 24.7.2024. godine, usvojio Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta Koridor Vc Mostar Sjever – Mostar Jug.

Tekst Prijedloga Odluke razmatrala su i nadležna radna tijela.

Prijedlog Odluke obrazložio je Edin Šahinović, šef Odsjeka za izmirenje duga Federalnog ministarstva finansija.

U raspravi je učestvovala Sanela Klarić.

Na osnovu rezultata glasanja, predsjedavajući je konstatovao da je Dom naroda, sa 48 glasova za, uz osam uzdržanih glasova i uz tri glasa protiv, usvojio Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj za realizaciju Projekta Koridor Vc Mostar Sjever – Mostar Jug.

Vesna Saradžić, u ime Kluba delegata srpskog naroda, zatražila je pauzu od 10 minuta.

Sjednica je završila sa radom u 13 sati i 19 minuta.

Transkript sjednice čini sastavni dio Zapisnika.

SEKRETAR
Izmir Hadžić

PREDSJEDAVAJUĆI
Tomislav Martinović